



JP ELEKTROPRIVREDA BiH d.d. - Sarajevo,
Zavisno društvo Rudnik mrkog uglja "KAKANJ" d.o.o.-Kakanj



Kakanj, 12.03. 2019. godine
Broj: 01/D-01-43- 2798 /19

Na osnovu člana 63. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 206-03/19 od 11.03.2019. godine po konkurentskom zahtjevu za dostavu ponuda (KZ: 48/18 – Nabavka molersko-farbarskog materijala), a u skladu sa članom 70. i 71. Zakona o javnim nabavkama ("Sl. glasnik BiH", broj: 39/14), v.d. direktora Društva Mr.sc. Sead Imamović, dipl.ing. donio je

ODLUKU

o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka molersko-farbarskog materijala, po provedenom konkurentskom zahtjevu za dostavu ponuda izabran je sljedeći ponuđač:

"SIM-KOMERC" d.o.o. Kakanj
sa ukupnom cijenom od 12.250,00 KM bez PDV

Član 2.

Prijedlog ugovora o nabavci dostavit će se na potpis izabranom ponuđaču "SIM-KOMERC" d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Komercijalna služba ZD RMU "Kakanj" d.o.o.-Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-18788/18 od 22.11.2018. godine.

Procijenjena vrijednost javne nabavke bez PDV-a je 15.000,00 KM.
Obavijest o nabavci broj: 967-7-1-69-3-47/19 poslata je na objavu 11.02.2019. godine i istog dana i objavljena na Portalu javnih nabavki.

Zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki):

1. "TRGOŠPRD" d.o.o. Kakanj
2. "NOVA TRGOVINA" d.o.o. Kakanj
3. "MARKER" d.o.o. Zenica

Komisija za javnu nabavku je sačinila Zapisnik o ocjeni ponuda broj: 204-03/19 od 11.03.2019. godine i Preporuku o izboru najpovoljnijeg ponuđača broj: 206-03/19 od 11.03.2019. godine, u postupku javne nabavke roba – Nabavka molersko-farbarskog materijala.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda osam (8)
- da je blagovremeno zaprimljeno osam (8) ponuda
- da nema neblagovremeno zaprimljenih ponuda
- da ponude ponuđača "CHEMO-COMMERCE" d.o.o. Kočerin, Široki Brijeg, "MARKER" d.o.o. Zenica i "BOSNA-COM" d.o.o. Gračanica nisu prihvatljive,
- da su ponude ponuđača "PERO" d.o.o. Zenica, "INTER-COM" d.o.o. Zenica, TD "NOVA TRGOVINA-S" d.o.o. Kakanj, "COSPEX" d.o.o. Zenica i "SIM-KOMERC" d.o.o. Kakanj prihvatljive.

Ponuda ponuđača "CHEMO-COMMERCE" d.o.o. Kočerin, Široki Brijeg je neprihvatljiva iz razloga:

Tačkom 5. Tenderske dokumentacije definisano je da sve dopune i izmjene ponude moraju biti čitljive i parafirane od ovlaštenih osoba.

Uvidom u ponudu ponuđača "CHEMO-COMMERCE" d.o.o. Kočerin, Široki Brijeg komisija je konstatovala da je isti vršio ispravke na stranama 2, 4, 8, 24. i 27. svoje ponude, koje nije parafirala ovlaštena osoba.

Tačkom 3. Tenderske dokumentacije – Uvjeti za učešće i potrebni dokazi, definisano je da su ponuđači u ponudama, između ostalog, obavezni dostaviti:

a) Za pravna lica

- Aktuelni Izvod iz sudskog registra ne stariji od 3 mjeseca (ovim Izvodom mora biti obuhvaćena djelatnost koja je predmet konkurentskog zahtjeva).

Uvidom u ponudu ponuđača konstatovano je da isti nije dostavio Aktuelni Izvod iz sudskog registra već Rješenje o izmjenama podataka, što nije u skladu sa traženim.

Dalje, ponuđač je dostavio Obrazac za cijenu ponude ali u istom nije popunio kolonu broj 3. Naziv proizvođača/ Zemlja porijekla. U toj koloni je za stavke 31. i 32. upisao širinu ponuđene robe.

U Tehničkoj specifikaciji Tenderske dokumentacije definisano je šta je ponuđač u ponudi obavezan dostaviti pa je tražena izjava ponuđača da pristaje na uslove iz tački 1. i 2. Tehničke specifikacije.

Uvidom u ponudu ponuđača konstatovano je da isti nije dostavio traženu izjavu.

Na osnovu naprijed iznesenog utvrđeno je da ponuda ponuđača "CHEMO-COMMERCE" d.o.o. Kočerin, Široki Brijeg nije prihvatljiva.

Ponuda ponuđača "MARKER" d.o.o. Zenica je neprihvatljiva iz razloga:

Tačkom 5. Tenderske dokumentacije definisano je da sve dopune i izmjene ponude moraju biti čitljive i parafirane od ovlaštenih osoba.

Uvidom u ponudu ponuđača "MARKER" d.o.o. Zenica komisija je konstatovala da je isti vršio ispravke na stranama 20. i 21. svoje ponude, koje nije parafirala ovlaštena osoba.

Pismenu izjavu iz člana 52. Zakona o javnim nabavkama ovlašteno lice ponuđača je obavezno nakon popune potpisati i ovjeriti kod nadležnog organa.

Uvidom u ponudu ponuđača konstatovano je da pismena izjava iz člana 52 Zakona o javnim nabavkama nije potpisana i ovjerena od strane nadležnog organa.

Tačkom 3.4. Tenderske dokumentacije ponuđač je dužan dostaviti Listu ugovora sklopljenih u 2016, 2017. i 2018. uključujući i tekuću 2019. godinu, sa ukupnim vrijednosnim iznosima, datumima i ugovaračima, uz osiguranje dokumenata u formi potvrda o uspješnoj realizaciji ugovora, koje su izdali primaoci – Obrazac "Popis ugovora – lista referenci"

Uvidom u ponudu ponuđača komisija je konstatovala da je isti u dostavljenom obrascu nije za navedene ugovore upisao datum sklapanja ugovora, vrijednost (KM) i ukupnu vrijednost navedenih ugovora.

Dalje, u Obrascu za ponudu ponuđač nije upisao podatke tražene u tačkama 3, 4, 5. i 6. pomenutog Obrasca.

U Obrascu za cijenu ponude ponuđač je za pojedine stavke upisao po dvije jedinične i ukupne cijene, dok je za ukupnu cijenu ponude bez PDV, iznos PDV i ukupnu cijenu sa PDV upisao iznos koji je neprirordno manji od stvarnog. Ugovorni organ u ovom predmetu nije mogao uputiti ponuđaču zahtjev za prihvatanje ispravke računске greške koja se radi na osnovu jediničnih cijena (tačka 3.

Napomene iz Obrasca za cijenu ponude) zbog nepravilno napisanih jediničnih cijena za pojedine stavke (duplih cijena).

Na osnovu naprijed iznesenog utvrđeno je da ponuda ponuđača "MARKER" d.o.o. Zenica nije prihvatljiva.

Ponuda ponuđača "BOSNA-KOM" d.o.o. Gračanica je neprihvatljiva iz razloga:

Tačkom 3.4. definisani su uslovi za kvalifikaciju ponuđača što se tiče tehničke i profesionalne sposobnosti ponuđača koja treba garantirati ispravno izvršenje ugovora, pa je traženo:

- a) Uspješno iskustvo u realizaciji najmanje jednog ugovora u prethodne tri godine (2016, 2017. i 2018. uključujući i tekuću 2019. godinu), čiji je karakter i kompleksnost isti onima koji se odnose na predloženi ugovor (isporuka molersko-farbarskog materijala), a čija vrijednost ne može biti manja od 6.000,00 KM bez PDV-a.

Ponuđač je dužan dostaviti dokaz:

- a) Listu ugovora sklopljenih u 2016, 2017. i 2018. uključujući i tekuću 2019. godinu, sa ukupnim vrijednosnim iznosima, datumima i ugovaračima, uz osiguranje dokumenata u formi potvrda o uspješnoj realizaciji ugovora, koje su izdali primaoci – Obrazac "Popis ugovora – lista referenci".

Dokaz se podnosi u tabelarnom pregledu "Popis ugovora – lista referenci" koji se nalazi u prilogu ovog konkurentskog zahtjeva, uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati sljedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima.

Potvrda se dostavlja u originalu ili kopiji ovjerenoj kod nadležnog organa.

Uvidom u ponudu ponuđača komisija je konstatovala da se iz dostavljene Potvrde o izvršenim ugovorima ne može zaključiti o kojoj robi se radi, obzirom da je kao predmet ugovora navedeno: nabavka i isporuka potrošnog materijala. Pojam "potrošni materijal" je toliko širok da se ne može utvrditi da li se radi o isporuci molersko-farbarskog materijala, kako je traženo Tenderskom dokumentacijom.

Na osnovu naprijed iznesenog utvrđeno je da ponuda ponuđača "BOSNA-KOM" d.o.o. Gračanica nije prihvatljiva.

Ugovorni organ je tačkom 8.2. Tenderske dokumentacije predvidio provođenje e-aukcije u predmetnom postupku u skladu sa Pravilnikom o uslovima i načinu korištenja e-aukcije.

Nakon što je Komisija Ugovornog organa utvrdila koje od pristiglih ponuda su prihvatljive, a što je konstatovano ovim Zapisnikom o ocjeni ponuda, zakazana je e-aukcija za dan 07.03.2019. godine sa početkom u 13⁰⁰ sati. Komisija Ugovornog organa je predvidjela da aukcija traje 20 minuta.

S obzirom da je pristiglo 8 (osam) ponuda, od kojih su ponude ponuđača: "CHEMO-COMMERCE" d.o.o. Kočerin, Široki Brijeg, "MARKER" d.o.o. Zenica i "BOSNA-COM" d.o.o. Gračanica ocijenjene kao neprihvatljive, dok su ponude ponuđača "PERO" d.o.o. Zenica, "INTER-COM" d.o.o. Zenica, TD "NOVA TRGOVINA-S" d.o.o. Kakanj, "COSPEX" d.o.o. Zenica i "SIM-KOMERC" d.o.o. Kakanj ocijenje kao prihvatljive i iste su označene za učešće u e-aukciji.

Po završetku e-aukcije utvrđeno je da je najpovoljniji ponuđač u postupku nabavke – Nabavka molersko-farbarskog materijala "SIM-KOMERC" d.o.o. Kakanj iz razloga što je cijena njegove ponude nakon postupka e-aukcije najniža.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač, nakon provedene e-aukcije, najbolje ocijenjen zbog:

Najniže cijene, kako slijedi:

Naziv / ime ponuđača		Cijena
1.	"SIM-KOMERC" d.o.o. Kakanj	12.250,00 KM bez PDV

Izabrani ponuđač je izabran primjenjujući kriterij najniže cijene, koja je ponuđena u iznosu od 12.250,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.

Dostavljeno:

1 x Direktor Društva

1 x Učesnici u postupku javne nabavke

1 x a/a



v.d. Direktora Društva

Mr.sc. Sead Imamović, dipl.ing.